



IKAZTEGIETAKO UDALA
GIPUZKOA

121/2023 ALKATETZA EBAZPENA

Ikaztegieta Udaleko Alkate Erabakia, Tolosaldea Garatzen SA elkarteari, Ikaztegieta Udalean Tokiko Garapen Iraunkorreko Politikak sustatzeko zerbitzuaren enkargua onartzen duena.

I. Aurrekariak

1º) Ikaztegieta Udalak, 2022ko ekainaren 29an egindako ohiko bilkuran, Tolosaldea Garatzen SA Ikaztegieta Udalaren bitarteko propio izendatzea onartu zuen, Sektore Publikoko Kontratazioa arautzen duen 9/2017 Legearen 32. artikuluan ezarritako baldintzak betez, izendapen-akordioarekin bat egiten duten eskualdeko beste udal batzuekin batera.

2º) Tolosaldea Garatzen SA merkataritza-elkartea, A-20500229 IFK, iraupen mugagabea, eta Tolosan Lehiberri zentroan 1 zenbakian du bere egoitza. 1994ko uztailaren 27an eratu zen Tolosan, Jose Manuel Domingo Serrano notarioak emandako eskritura publiko baten bidez; eskritura horrek 1.275 protokolo zenbakia du, eta Gipuzkoako Merkataritza Erregistroan inskribatuta dago 1.488. liburukiko 166. folioan, SS-9710, orrialdea, 1go inskripzioan.

Merkataritza-sozietatearen Batzar Nagusiak 2022ko abenduaren 12an egindako ez-ohiko bilkuran aldatu zituen estatutuetako 3.bis Artikuluan ezarritakoaren arabera,

“TOLOSALDEA GARATZEN SA elkarteak, Abaltzisketa, Aduna, Albiztur, Alegia, Alkiza, Altzo, Amezketak, Anoeta, Asteasu, Baliarrain, Belauntza, Berastegi, Berrobi, Bidania-Goiatz, Elduain, Hernialde, Ibarra, Ikaztegieta, Irura, Larraul, Leaburu-Txarama, Lizartza, Orendain, Orexa, Tolosa, Villabona eta Zizurkilgo udalerrien Bitarteko Propio edo/eta Zerbitzu Teknikoa da.

Hori dela eta udalerriek bitarteko propio duten sozietatearekin dituzten harremanek izaera instrumentala eta ez-kontratuzkoa dute, eta Sektore Publikoko Kontratuen Legearen (9/2017 Legea) 32. artikuluan aurreikusten diren mandatuen bidez antolatu ahalko dira; horrenbestez, ondorio guztietarako, barne eta mendeko izaerakoak dira.

Botere adjudikatzailerik horiek Sozietateari jardueraren bat egiteko aginduz egiten dioten jakinarazpena jarduera horri ekiteko agindua izango da; hala ere, 9/2017 Legearen 32.6.b) artikuluan ezarritakoa bete beharko da.

Emandako zerbitzuengatik konpentsazioa ezartzeko, tarifa hauek hartuko dira erreferentziatzat: sozietateak eginiko mandatuen xede diren jardueretarako mandatu egiten duen botere adjudikatzailerik onetsitako tarifak, eta Estatuak erregelamenduz erabakitzen duen moduan. Horretarako, mandatuen xede diren eta enpresaburu partikularrekin azpikontratatzeko jardueretarako



IKAZTEGIETAKO UDALA
GIPUZKOA

bitarteko propioak jasandako egiazko kostuari erreparatuko zaio, kostu hori txikiagoa denean azpikontrataturako jardueri tarifak aplikatuz heldu dena baino.

Tarifa horiek, betiere, bitarteko propioak zuzenean ekoiztako unitateak egiteko benetako kostu guztiak jasotzeko moduan kalkulatu dira. Mandatuaren tarifak edo konpentsazioak mandatuko prestazioaren balioa estali beharko du, eta hura kalkulatzeko, zuzeneko eta zeharkako kostu guztiak izan beharko dira kontuan. Tarifek inolaz ere ez dituzte onura-marjinak izango, eta haietan likidazio partzialak egin ahalko dira ekitaldi bakoitzaren kontura, baina, halere, behin betiko likidazioa egingo da.

TOLOSALDEA GARATZEN SAK ezingo du parte hartu esandako Udal organoek deitutako enkante publikoetan, nahiz eta agindu ahalko dion enkantearen xede zen prestazioa emateko, lizitatzailerik aurkezten ez bada.

Urte anitzeko mandatuen kasuan, likidazioa egingo da aurrekontu-ekitaldi bakoitza ixtean, nahiz eta jarduketa amaitua aitortu eta egiaztatu egingo den legez ezarritako baldintzetan, eta dagokion dokumentua emango da, eta likidatu egingo da, gehienez hurrengo hiru hilabete barruan.”

3º) Ikaztegieta Udalak udal kudeaketa garapen jasangarriaren printzipioetara egokitzeke ekimenak, programak eta estrategiak aurrera eraman behar ditu. Garapen iraunkorra, hain zuzen ere, hau da: beste gune geografiko batzuen edo etorkizuneko belaunaldien garatzeko gaitasuna arriskuan jarri gabe uneko eta etorkizuneko tokiko beharrak asebetetzea.

Ikaztegieta udala neurri txikiak da giza eta ekonomi baliabide urriekin, eta horren aurrean tokiko garapen jasangarriko proiektuak bere kabuz garatu eta behar bezala ezartzeko modurik ez du. Ondorioz, Tolosaldea Garatzen, S.A., eskualdeko garapen agentziara jo du zerbitzu hori udal desberdinen artean partekatu ahal izateko beharrezkoak diren teknikariak kontratatuz eta haien bidez zerbitzua bermatzeko eskatuz.

Tolosaldea Garatzen, S.A.k eskualdeko udal guztien artean sortutako erakundea izanik, eta bere gizarte xedean aurreikusitakoari jarraiki, haien arteko zerbitzu partekatuak sustatzen ditu, baliabideen erabilpen eraginkorrago batean laguntzeko eta garapen iraunkorreko proiektuak garatzeko plataforma moduan.

II Zuzenbidezko Oinarriak

I.- Tolosaldea Garatzen S.A., beraz, Ikaztegieta Udaleko baliabide pertsonifikatua da, 9/2017 Legeak, azaroaren 8koak, Sektore Publikoko Kontratuenak, Europako Parlamentuaren eta Kontseiluaren 2014ko otsailaren 26ko 2014/23/EB eta 2014/24/EB zuzentarauen transposizioa egiten duenak Espainiako ordenamendu juridikora, ezarritakoaren arabera.



IKAZTEGIETAKO UDALA
GIPUZKOA

Horregatik, jasotako agindua egikaritzeko egin behar dituen negozio juridiko guztiak SPKLren pean egongo dira dagozkion zehaztapenekin; lanak burutuko dituen entitatearen izaeraren, balio zenbatetsiaren eta motaren arabera. Norbere baliabidea botere esleitzailer bat ez denean, SPKLren Hirugarren Liburuaren I. Tituluan dauden arauak aplikatuko zaizkio. Halaber, ez dago norbere baliabideei ezarritako % 50eko balio mugarik, Legeak salbuetsi egiten dituelako zuzenbide pribatuko elkarte bati aginduak ematen zaizkionean, beti ere titularitatea publikoa denean eta baita bere kapitala ere; hau da Tolosaldea Garatzen SA merkataritza-sozietatearen kasua.

II.- Tolosaldea Garatzen S.A.k bere estatutuetan jasotzen dituen funtzioen artean, orohar, gizarte xedea betetzeko beharrezkoak diren iharduera guztiak garatzea jasotzen da, horretarako eskaera egiten zaionean, Elkarateak laguntza teknikoa eskainiko die udalei, bere gizarte-xedearen barruko arazoetan.

Azaldutako guztiagatik

EBAZTEN DUT

LEHENGOA: Tolosaldea Garatzen SA merkataritza sozietateari Ikaztegieta Udalean Tokiko Garapen Iraunkorreko Politikak sustatzeko zerbitzua egikaritzeko enkargua agintzea. Egikaritze hori datozen klausulek arautuko dute.

KLAUSULAK

Lehena. Enkarguaren xedea.

Agindu honen bidez, Ikaztegieta Udalak, Tolosaldea Garatzen SA merkataritza sozietateari eskatzen dio Ikaztegieta Udalean Tokiko Garapen Iraunkorreko Politikak sustatzeko zerbitzua egikaritzeko enkargua.

Zerbitzuaren helburua da Ikaztegieta Udalean modu partekatuan garapen jasagarriaren inguruko ekimenak garatzeko zerbitzua egikaritzea.

Ondorengo funtzioak beteko dituzte teknikariek:

Udal Tokiko Agenda 2030 Ekintza Planen kudeaketa eta ebaluaketa

Garapen Iraunkorreko Tokiko Agenda 2030 ekintza planak txertatzea izango da beraien funtzioetako bat udalerrri bakoitzaren lehentasunen arabera. Lehenik eta behin udalaren ardura diren ekintzak hartuko dira kontutan eta hauen ebaluazioa egingo da GFAREN eta IHOBAREN laguntzarekin eta ondoren, Udal Saila eskualdeko eragile guztien ekintzen ebaluazioa jasotzeaz arduratuko da eta udalerrietako ekintza planen ebaluazioan sartzen da.

Udalerrian orokorrean ingurumen eta landa-garapen proiektuen kudeaketa



Udalaren eta udalerrriaren garapenerako interesgarriak izan daitezken proiektuak, diru laguntzak etab. kudeatuko dira: egitasmoak landu, diru laguntzak bilatu eta proiektuak garatu.

Honako funtzioak beteko dituzte udal teknikari partekatuek:

- Ingurumen alorrean udal programak eta ekimenak nahiz jarduerak planifikatu, diseinatu eta kudeatu.
- Landa ingurunearen garapen egokia lortzea helburu duten prebentzio eta sustapen zein sentsibilizazio kanpainak bultzatu.
- Hondakinen kudeaketaren inguruko udal politika eta jarduerak planifikatu, diseinatu eta kudeatu.
- Energia eraginkortasuneko udal politikak gauzatu.
- Mugikortasun jasangarriko politikak gauzatu udalean: Eskualdeko Bizikleta Planaren ezarpena kudeatu.
- Beste erakunde batzuen finantzaketa bilatu eta tramitatu: EVE, GFAko Agenda 21, parte hartzea edo hondakin prebentzioa, EJ- Ingurumen Saila, LEADER-EREIN etab.
- Herri Batzarrak antolatu eta dinamizatu: Herritarren parte hartzea sustatzeko eta herritarren proposamenak jasotzeko eta udalaren parte egiteko.
- Udal batzorde informatzaileak dinamizatu.
- Udal erosketa berdea sustatu.

Bigarrena. Egikaritzearen baldintzak

Mandatu hau egikaritzeko baldintza bereziak honakoak dira:

1. Tolosaldea Garatzen S.A.k Ikaztegieta udalean garapen iraunkorreko estrategiaren jarraipenean modu partekatuan jardungo duen teknikariaren funtzioak bermatzea:
 - Udalaren garapenerako beharrezkoak diren ekintzak sustatu eta dinamizatu, beti ere garapen iraunkorrean oinarrituta.
 - Udalerriko Tokiko Agenda 2030 sustatu eta informazioa zabaldu.
 - Bere gaiekin bat datozen dirulaguntzen eskaerak bideratu eta jarraipena egin.
 - Ekintza planen jarraipena burutu eta errebisioez arduratu.
 - Bere kualifikazio profesionalarekin bat datorren beste edozein zeregin, halakorik agintzen badiote.
 - Tolosaldea Garatzeneko Udal Saileko arduradunaren ardurapean egongo da, hark sustatutako lan ildoak eta ekintzak bultzatuz.
2. Mandatu honen xede den zerbitzua egikaritzeko duen ingurumen teknikariak Ikaztegieta Udalarari eskainiko dion zerbitzua beste udal batzuekin partekatuko du, eta horretarako honako baldintzak beteko ditu:
 - Dedikazioa: teknikari baten lanaldi osoaren (urtean 1.592 ordu) %15-a, hau da 239 ordu urtean. Dedikazioa aldaezina izango da hitzarmen hau indarrean dagoen artean.
 - Zenbatekoa: 39,5 euro orduko.
 - Tolosaldea Garatzenek bere udal bazkideei eskainitako zerbitzuak ez daude BEZari lotuta.



IKAZTEGIETAKO UDALA
GIPUZKOA

- Zerbitzuaren egutegi eta ordutegia Tolosaldea Garatzen, S.A. eta Ikaztegieta udalaren artean adostuko dira.
3. Ikaztegieta Udalak bere gain hartuko ditu hitzarmen honen baitan lanean ari den teknikariaren lan kontratutik eratorri daitezkeen kostu eta balizko kalteordain guztiak, beti ere teknikariaren zerbitzuak udal horretan izan duen dedikazio eta iraupenaren arabera.

Hitzarmen honen bitartez teknikarien dedikazioa bakarrik arautzen da. Teknikarien lanetik erator daitezkeen proiektuek tratamendu berezia izango dute eta kasu bakoitzean aurreikusiko da nola kudeatu kostua eta kanpotik lor daitezkeen finantzazioa.

Hirugarrena. Epea.

Enkargu hau, akordioa jakinarazten den egunetik hasiko da, eta zerbitzua esleitzen denetik, 3 urtetako iraupena izango du, luzapenak barne.

Zerbitzua atzeratzen, luzatzen edo indarrean jarraitzen badu, mandatu honen indarraldia luzatuko da, betiere enkarguaren oreka ekonomikoa aldaketarik gabe mantentzen bada.

Laugarrena. Enkarguaren justifikazioa eta ordaintzeko era.

Ikaztegieta Udalak ordainduko ditu enkargu honek agindua jaso duen erakundeari eragin dizkion gastuak, bere partaidetzaren arabera. Ikaztegieta Udalari dagokion guztizko kostua urtean 9.440 eurokoa izango da. 2023ko udal aurrekontuan, jasota dago aipaturiko gastu horiei aurre egiteko zenbatekoa.

Ikaztegieta udalak, urteroko ekainaren 30eko epean ordainduko du horri dagokion zenbatekoa.

Proiektua bukatutakoan, aginduaren likidazioa egingo da, eta horretarako aurretik, Tolosaldea Garatzen SA elkarteak, enkargatutako jarduerak justifikatzeko memoria eta jarduera horiek izandako gastuak justifikatzeko txostena aurkeztu beharko du.

Bosgarrena. Enkarguaren irismena eta izaera.

Enkargu hau Ikaztegieta Udalak bitarteko propio pertsonifikatu bati egindako enkargua da, baina ez da kontratutzat hartzen, eta sektore publikoko erakundeen arteko lankidetzaren bertikaleko sisteman gauzatzen da, bitarteko pertsonifikatua erabiltzean datzana.

Tolosaldea Garatzen SA erakundeak autonomia osoz eta bere antolaketa-arauei arabera emango eta garatuko ditu enkargatutako zerbitzuak eta jarduerak materialak, baina Ikaztegieta Udaleko arlo eskudunetatik datozen beharrezko jarraibide teknikoak errespetatuz, betiere gutxiengo esku-hartzearen printzipioaren eta besteren antolaketarekiko errespetuaren partizioaren barruan.



IKAZTEGIETAKO UDALA
GIPUZKOA

Seigarrena. Enkarguaren suntsitzea.

Mandatu hau alde zuzenetik amaitu ahal izango da interes publikoko arazoengatik, Ikaztegieta Udalaren ebazpen baten bidez. Mandatua amaitzearen ondorioz, zerbitzua eskaintzen duen teknikariaren lan kontratua eten beharko balitz, kontratu-etete horretatik eratorritako kalte ordaina bere gain hartu beharko luke Ikaztegieta Udalak, zerbitzuaren erabilpenaren proportzioan. Nolanahi ere, ebazpena emateko unean egikaritzen ari diren jarduketek aurrera jarraitu ahal izango dute.

Zazpigarrena. Araubide juridikoa.

Berezko bitartekoari egindako enkargu honek SPKLren 32. artikuluan aurreikusitako izaera du, eta, beraz, artikulua horretan eta SPKLren gainerako artikuluetan adierazitakoaren arabera arautuko da, bitarteko propioei egindako enkarguei aplikatzeko denean (44., 50. eta 63. artikuluetan).

Baliabide propio pertsonifikatuen araubide juridikoari buruzko SPKLren azken xedapenetatik laugarrenaren 3. apartatua adierazitakoaren arabera, lege horretan aurreikusten ez den kasuetan, Sektore Publikoaren Araubide Juridikoaren urriaren 1eko 40/2015 Legean ezarritakoa aplikatuko da.

Zortzigarrena. Eztabaiden ebazpena

Ikaztegieta Udalak nahitaez ebatziko ditu enkarguaren ondorioz sortzen diren interpretazio- eta betetze-arazoak, eta, era berean, egin beharreko jarduketak zehaztu edo aldatuko ditu, betiere haren xedearen funtsa aldatzen ez bada.

Bederatzigarrena. Enkarguaren publikitatea

Mandatu hau Ikaztegieta Udalaren Gardentasun Atarian argitaratuko da, Gardentasunari, informazio publikoa eskuratzeko bideari eta gobernu onari buruzko abenduaren 9ko 19/2013 Legearen 8.1 artikuluan b) letran ezarritakoa betez.

BIGARRENA.- Erabaki honen berri ematea Tolosaldea Garatzen, S.A. merkataritza-sozietateari.

Ikaztegieta, 2023ko maiatzaren 2an

Alkatea,
Bakarne Otegi Jauregi



IKAZTEGIETAKO UDALA
GIPUZKOA

Fede ematen dut:

Idazkari kontu-hartzailea

DILIGENTZIA.– Data honetan arestian adierazitako dekretua Udal honetako Idazkari kontu hartzaileari helarazi zaiela jasota gerarazteko.

Ikaztegietan, 2023ko maiatzaren 2an

Idazkari kontu-hartzailea